



Tel: 078 097 9752

Email: [ifsaprayer@gmail.com](mailto:ifsaprayer@gmail.com)

[www.ifsaprayer.co.za](http://www.ifsaprayer.co.za)

---



# **PUKU YA BOBEDI YA THAPELO TSHOKOLOGO YA AFRIKA-BORWA**

## **SOKOLOGA! BOELA! TSOŠOLOŠEGA!**

*Sokologang le boele go nna, ke tla boela go lena:*

*Joel 2:12-13*

Taletšo: taletšo go diphutego tša Afrika-Borwa  
matšatši a lesome a tshokologo

**18-28 September 2020**

**Lenaneo la Thapelo ya Batšeakarolo**

Le rulagantšwe ke barapedi Afrika-Borwa.

## **Tshokologo ya Afrika-Borwa. Go na le tšhutšhumetšo ya Tshokologo**

### **Ka Mabowo a AFRIKA-BORWA 2020 TŠHUTŠHUMETŠO (MATHOMO)**

Go boa ke pitšo ya tshokologo, go ikokobetša le go lahla ditsela tša rena tše kgopo, go tla pele ga Morena, ka botee le ka bontši, ka go ithoba, le go sokologa e le ruri, go rapelela setšhaba sa gešo mogau, phološo, pholo, tšošetšo le phethagatšo ya morero wa Modimo go batho bohle ba dulago ka gare ga mollwane wa gabo rena.

#### **KA LEBAKA LA ENG?**

Afrika-Borwa e lahlile Morena le tsela tša gagwe. Ka Beibeleng go ngwadilwe gore: - Toko e phagamiša setšhaba mola sebe e le tshenyego go setšhaba sefe kapa sefe, nnete ke gore gose lokafale go iša kahlolong. Beibele e re botša gore Modimo ke lerato le gona o tletše ka mogau, le gore ba ba tlang go yena go nyaka mogau wa gagwe ba tla o humana. (Hos 10:12) Le gore go sokologeng le go boeleng go yena go tla tshwarelo, phološo, pholo, tsošološo le poelo.(2Cor7:10).Go godimo ga motheo wa tshepišo ya(2Chronicles7:14) e filwe : gore ge setšhaba saka seo se bitšwago ka leina laka ,se ka ikokobetša, sa rapela sa nyaka sefahlogo saka,sa tlogela ditsela tša sona tše kgopo,ke tla se kwa ke le legodimong,ka se swarela dibe tša sona, mme ka fodiša naga ya sona.

#### **SOKOLOGA! BOELA! TSOŠOLOŠEGA!**

**Matšatši a 10 a thapelo le go ikona 18-28 September 2020**

**Letšatši la lefase (setšhaba) la thapelo le tshokologo. 26 Sept 2020**

**Morero wa matšatši a lesemo a thapelo Ke: -**

- Go fetleka dipelo (Go ipolela le go sokologa).
- Go lahla dingongorego (go swarela le go lebalela)
- Go boela go Jesu (Go amogela lerato la gagwe).

#### **TŠHUTŠHUMETŠO KA POELO/TSHOKOLOGO YA AFRIKA-BORWA YA 2020**

**Go bitšwa mekgahlo ya** thapelo, diphutego,le mang le mang go lemoga se:-

Motho a le nnoši a ka rapela, a ikona.

Thapelo ya bošego le mosegare.

Dithapelo tša matšatši tša go hlakanela.(go kopanela ka nama go ba moyeng).

Maele a go ka šomiša dikeletšo ka godimo

**Motho a le nnoši: -**

Motho a le nnoši a ka rapela, a ikona.

Motho a le nnoši a ka šomiša dinako tšeo a ipeetšego tšona.

Motho o eletšwa go ipeela nako ye e bonagalago go fa Moya wo Mokgethwa nako ya go utulla dilo tšeo Modimo a ratago go di rarolla bophelong bja gagwe.

Re eletša gore motho a bale ditemana tša lentšu leo a le filwego a dumelele gape nako ya go itekola le go arabela dipotšišo tšeo di ka tšwelelago pele motho a ipolela le go sokologa thapelong.

#### **THAPELO YA DIHLOPHA**

Ge re kopanela thapelo le barapeledi ba bangwe re ikokobetša pele ga Morena, re kgona go tsenelela ra dumelela Moya wo Mokgethwa go utulla tšeo re swanelago go di sokologela.

Barapedi ba ka tla tšatši le lengwe le le lengwe ka nako yela ya matšatši a lesome (10) a thapelo, seo se ka direga ge motho a le nnoši, ka dihlopha ka zoom goba whatsapp.

Re eletša gore ditemana tša Beibele di balelwe godimo, dihlopha ga di fetole dipotšišo ka thapelo.

### **DITHAPELO TSA BOŠEGO LE MOSEGARE**

Mekgahlo ya dithapelo, Makalana, Dikereke le dihlopha bj.bj. ba ka tšea letšatši le tee goba matšatši a mmalwa nakong ya matšatši a lesome(10) a thapelo go dira 24 matšatši a thapelo goba ba šoma mmogo go dira matšatši a lesome(10) ka thapelo ya bošego le mosegare.

Dirang 24/7 sehlopa sa whatsapp(sehlopa) sa lena.

### **THAPELO YA KEREKE YA KOPANELO KA NAMA GOBA MOYENG**

Mo metseng, makheišeneng, metse ditoropong, dikereke di rapelele dilo tša maleba moo di hlankelago gona le bjale ka batho le diprofense go dilo tšeo le merero yeo e diragalago go tšona.

### **Ka tšhutšhumetšo ya tshokologo ya Afrika-Borwa**

#### **KE KA DIPELO.**

TSHOKOLOGO YA NNETE GA SE POELETŠO YA DITHAPELO. GA SE KA MANTŠU GOBA MENELO YA DITHAPELO GO MODIMO. GO BOELA GO MODIMO GO RA GO INEELA GO MODIMO KA PELO KA MOKA.

Moporofeta Joel o e ntšha gabotse ge a kgokgoetša setšhaba sa Modimo go boela go Modimo mo go Joel 2:12-13 Morena o re: *-Le gona bjale sokologelang gonna ka dipelo tša lena ka moka ka go ikona dijo le ka dillo le mahloko. Manyami a lena a a bonagale ka dipelo tša lena tše di kwelego bohloko, go ikgeilela diaparo ga go a lekana.*

Bjale ge neelang dipelo tša lena e sego diaparo, boelang go Modimo, Morena wa lena. Ka gore o lokile o nale mogau, o diega go befelwa e bile o lokile o kgona go tlogela go gobatša. Re swanela go fetleka dipelo nakong ye ya matšatši a lesome a thapelo. Ye ga se nako ya go rapelela dilo feela le tebalelo ya dibe tša batho. Ke nako ya go iphetleka, wa itelela, dibe tša gago le go tšwela pele o kgahla Modimo. Re diretše Modimo makgopo, manyala, re swanela ke go fetogela kgethegong. Re swanela ke go kgetha Modimo ka leswa.

A Modimo a bolele le rena ka Moya wo Mokgethwa, o re thuše go ithoba le go itshola ge re bontšhwa dibe tša rena. A nke re sokologeng re boele go Morena, re dumelele go kgethefatšwa, go mpshafatšwa le go tsošološwa ka maatla a Modimo yo a phelago.

### **THLOKOMELO YA LENTŠU: 18 SEPTEMERE 2020 NAKO : 18-24:00**

Thoma Matšatši a (10) lesome a thapelo ka bošego bja 18 Septemere ka go bala lentšu le tumišo go lokišetša pelo ya gago tshokologo. Go latela ditemana tšeo o ka di balago ka nako yeo ya diiri tše seelago(6) ka di 18 Septemere 2020 go tloga go 18-24:00 Barapedi mo "24 hours prayer watch" mo matšatšing a lesome(10) ba thoma go rapela ka 00:00 (bošegogare) 19 Septemere 2020 go fihla bošegogare 24:00 28 Septemere 2020.

**Tsholokologo:** Mateo 3:1-2, 8, Mareka 1:14-15, Ditiro 2:38, Ditiro 3:19, Ditiro 17:30-31. BaRoma 2:4-8, 2 BaKorinte 7:9-11, 2 Timotheo, 2:24-26, Petros 3:9-12, 1 Johane 2:5, Kutullo 3:3, 19

Moya wo Mokgethwa: Luka 3:16-17, Luka 11:13, John 14:1:5-8, Ditiro 4:31, BaRoma 8: BaRoma 15:13-19, 1 Bakorinte 2:10-14, 2 Bakorinte 3:17-18, Tito 3:4-7

**TUMIŠO GO TŠWA GO DIPESALEMA**

DiPesalema 8:19, 29,45,84,97,110,145,147,150

**TUMIŠO GO PUKU YA KUTULLO.**

Kutullo 1:10-18, Kutullo 4:5, Kutullo 15:2, Kutullo 19:11-16

## LETŠATŠI LA PELE 1. 19 SEPTEMBERE 2020

### TSHOKOLOGO YA DILLO. GO GANA LE GO RUMULA MOYA WO MOKGETHWA

*Ba-Efeso 4:30 Le gona le seke la rumula Moya wo Mokgethwa wa Modimo wo ka wona le swaetšwego letšatši la go lokollwa ga lena.*

Moya wo Mokgethwa o a nyama le go rumulwa ge badumedi ba phela ka tsela ya go se boife Modimo. Re nyamiša Moya wo Mokgethwa ka go se tshepege, go bolela maaka, go befelwa, go rata, go itefeletša, go utswa, go hloya, go šomiša mantšu a mabe, go hloriša, go roga, ba bangwe, go balabala le go ngongorega le go se rate go swarela. Le nyamiša Moya wo Mokgethwa. Le go dira dilo tšeo Modimo a di hloilego, go swana le bootswa, dithobalano tša go se kwišišege, dithogako, boloi, megabaru le go tšholla madi a mehuta. Re nyamiša Moya wo Mokgethwa ge re gana nnete ya Lentšu, Go hlaloša Beibele go netefatša ditabana tša rena. Go ganana le go obamela Lentšu la Modimo ka moka. Re rumula Moya wo Mokgethwa ge re sa pakele batho ba bangwe ka Jesu.

### **SOKOLOGA... BOELA... TSOŠOLOŠO...**

Re rapela ka Leina la Jesu Kriste, Mophološi, le ka thušo ya tšhutšhumetšo ya Moya wo Mokgethwa, mothuši wa rena.

### **DITEMANA TŠA LENTŠU.**

Bala ditemana tše latelago o theeditše Moya wo Mokgethwa go utulla thato ya Morena go wena. Dumelela mantšu a, go bolela le pelo ya gago o itokišetše go ikarabela go tšona ka thapelo. O se ke wa fela pelo.

*Ba-Efeso 4:20-32, Ditiro 7:51, Ba-Heberu 3:7-13, Jeremia 17:9-10, Mateo 24:9-13.*

**KA BOTEE | BONOŠI:** Kgopela Moya wo Mokgethwa go go šušumetša wa go bontšha tša pelo ya gago. E ba nneteng ka bowena. A e ka ba o nyamišitše Moya wo Mokgethwa ka tsela ye nngwe?

Aa ka nnete o ka be o sepela nneteng go ya ka Lentšu la Modimo goba o leka go hwetša ditsejana mo Lentšung go lokofatša sebe sa gago? A o obamela lentšu la Modimo? A o nale tebogo, goba o tletše ka dipelaelo le dingongorego? A o pakela batho ka Jesu? Ikokobetše pele ga Morena o mo kgopele go go lebalela, go nyamiša le go rumula, le go gana Moya wo Mokgethwa. Mo kgopele go go hlatswa ka madi a Jesu go go bušetša bophelong bja go kopanela le Yena. Lokiša monagano le pelo ya gago go tloša ditiro ka moka bophelong bja gago tšeo di nyamišago Moya wo Mokgethwa.

**MMELE WA JESU:-** Mmele wa Jesu ke o tee. Ge leloko le senya, mmele ka moka o a tšhilafala. Ikgethe le mmele wo mogolo wa Kriste mo Afrika-Borwa ge o rapela.

Botšiša Moya wo Mokgethwa go go bontšha ka mo kereke mo Afrika-Borwa e senyeditšego, e nyamišitšego le go rumula le go gana Moya wo Mokgethwa. Ka boikokobetšo kgopela Modimo gore a re swarele le go re hlatswa bjale ka kereke (o se ke wa phara dikereke, dihlopha goba batho ka bobo.) Kgopela Modimo go re a tšhele Moya go kereke, gore re sokologe ditseleng tša rena tše mpe. Kgopela Modimo gore a re thakgafatše le go re tlatša go re re boife Leina la Jesu.

**SETŠHABA KA MOKA.** Naa Afrika-Borwa e rogaka Modimo ka tsela efe? Kgopela Modimo gore a go bontšhe pelo ya Gagwe le Thato ya Gagwe go Afrika-Borwa. A o ikemišeditše go ema sekobeng go rapelela Afrika-Borwa, e seng go tlontlolla le go phara batho ba bangwe ka maaka? A o ikemišeditše

go fihlelela, le go kgwatha motho mang kapa mang mo Afrika-Borwa, go ba botša ka Jesu le go ba tliša go Kriste? Kgotla Modimo go go hlatswa gore o kgone go ema pele ga Gagwe ka pelo e hlwekilego ge o rapelela setšhaba sa gabo rena. Rapela gore Modimo a tšhele Moya wa gagwe mo Afrika-Borwa go ntšha Afrika -Borwa sebeng le go bušetša dipelo tša bona go Yena.

### **RAPELA GORE SETŠHABA SE FOLE.**

- **KHOLOFELO:** -Hosea 2:15 *ke tla mmušetša dirapa tšela tša gagwe tša merara, gomme Moedi wa Motshwenyego ka o dira felo ga kholofelo. Moo o tla kwana le nna bjalo ka mola e sa le yo mofsa, mola a etšwa Egepeta*
- **PHOLO:** - Malakia 4:2 *Eupša ge e le lena ba le mpoifago, ke tla tla go le phološa bjalo ka letšaši ge le hlaba, ka le fodiša bjalo ka mahlasedi a lona. Le tla lokologa la kgarama bjalo ka manamane a a buletšwego.*
- **POETŠO** Hezekeile 36:25-28 *Ke tla fokela ka meetse a a sekilego godimo ga lena, le tla hlweka, ke tla le ediša, ke tla le hlwekiša go šilafatšwa ke medingwana ka moka ya lena, le tše dingwe ka moka tše di le šilafaditšego. Ke tla le fa dipelo tše mpsha le menagano ye mefsa. ke tla le amoga dipelo tša lena tše thata, ka le fa dipelo tše boleta. Ke tla le tsenya moya wa ka, mme ka dira gore le phethe melao yaka le ditaelo tšaka ka potego. Ke mo le tlo go dula nageng ye ke e filego borakgolo khukhu ba lena, le tla ba setšhaba saka, mme nna ka ba Modimo wa lena.*

**TSHOKOLOGO YA MAKGOPO LE BONAMA, GO SE PHELE BOPHELO BJO BOKGETHWA, O TLADITŠWE LE GO LAOLA KE MOYA WO MOKGETHWA.**

**BAROMA 8:5-9** Gobane ba nama ba nyaka tša nama; ba moya ba nyaka tša Moya gobane nama e inyakela lehu; Moya o inyakela bophelo le khutšo. Nama ge e nyaka tša yona e lwa le Modimo, ka gore ga e rate go bušwa ke Molao wa Modimo, etse go sa kgonege. Ba e lego baganama ga ba kgone go kgahla Modimo. Ge e le lena ga le baganama le bagaMoya, ge Moya wa Modimo o agile go lena. Fela, motho yo a se nago moya wa Kriste, ga se motho wa Kriste.

BaKriste bao ba tswetšego lefsa ba amogela pelo ye ntshwa le moya wo mofsa ka Moya wo Mokgethwa ka gare ga bona. Mošomo wa gagwe ke go fetša dipelo le menagano go ya mo semelong sa Kriste. Go ganeleleng mo ditseleng tša rena tša mola re sešo ra phološwa, ka tsela yeo re naganang le go itshwara ka gona, ga di thabiše Modimo, le gona di tla mo dira gore a re gane. Re tla hloka maatla a semoya a go dira mošomo wa legodimo le dithapelo di ka se arabje. Re swanetše go lekola maphelo a rena go bona gore re phela semoyeng naa?

**SOKOLOGA... BOELA... TSOŠOLOŠEGA...**

Re rapela mo leineng la Jesu Kriste, Mophološi le mo thušong le tšhutšhumetšo ya maatla a Moya wo Mokgethwa mothuši wa rena.

**DITEMANA/ MANGWALO:**

Bala ditemana tše latelago o meme Moya wo Mokgethwa go utulla, thato ya Modimo go wena, dumelela mantšu a, go bolela le pelo ya gago o itokišetše go araba ka thapelo. O se ke wa fela pelo.

*BaRoma 8:5-9, 1 BaKorinte 3:1-3, BaGalata 5:19-21, 1 Petros 2:11-12*

**KA BOTEE/BONOŠI:** Kgopela Moya wo Mokgethwa go go šušumetša le go go bontšha pelo ya gago. Itshepagalele.

Naa o yo mokgethwa? O ikgethetše go ba wa Modimo a le tee? Naa o sepela ka moya goba ka senama? Naa o mo ntsweng le wena o lwela go sepela ka tša semoya empa o a palelwa? Naa o leka go lwela go obamela Moya? Naa o kgopela Moya wo Mokgethwa go go thuša go fenya nama? Khunama pele ga Modimo ka go sokologa go dumelela ditsela tša kgale tša nama go laola bophelo bja gago. Kgopela Modimo go go thakgafatša ka lentšu la gagwe le madi a Jesu. Ka maatla a Moya wo Mokgethwa.

**MMELE WA KRISTE:** Ithlaole/ikgethe le bogolo ba mmele wa Kriste. A mmele wa Kriste mo Afrika-Borwa o sepela ka semoya goba senama? Sokologa sebakeng sa kereke ya gago le sebakeng sa mmele wa Jesu Kriste. Afrika-Borwa mo ditseleng tša go phela senama le go ba mohlala wo mobotse go bao ba sa tsebeng Morena setšhabeng sa gabo rena. Kgopela Modimo go tšhela moya wa gagwe go kereke go šušumetša rena bjalo ka maloko le boetapele go fetola ditsela tše mpe. Rapela gore Modimo a be le mogau go rena a re thuše bjale ka mmele wa Kriste mo Afrika-Borwa go boela go Morena, ra ba ba ba kgethwa.

**SETŠHABA KA MOKA:** Ga go kgonege go re batho ba sa phološwago ba phele semoyeng. Rapela le go sokologa pele ga Modimo ge kereke e fokola go ka rera Lentšu la Modimo. Rapela gore Morena wa puno a romele badiri (baEbangedi) go motse wo mongwe le wo mongwe mo Afrika-Borwa, gore ba bule mahlo a bona, gore ba tšhabele leswiswi ba fetogele go seetša, le go tšhabela maatla a

sathane go ya go Modimo,gore ba kgone go hwetša tshwarelo ya dibe ba thakgafaditšwe ka tumelo go Jeso Kriste.

### **RAPELELA PHOLO YA SETŠHABA SA GEŠO**

**KHOLOFELO:** Baroma15:13 Anke Modimo yo a le fago kholofelo a dire gore ka ge le mo dumetše, le be le lethabo le khutšo ka botlalo,gore kholofelo ya lena e fele e oketšwa ke Moya wo Mokgethwa ka maatla a wona.

**PHOLO:** Jakobo 5:16 ka gona le ipolele dibe seng sa lena gomme le rapelelane gore le tle le fodišwe. Thapelo ya moloki e na le maatla a magolo, e dira tše kgolo.

**POETŠO:** Jeremia 33: 9 Ke mo Jerusalema e tlogo ba ina le le nthabišago, la go tlotlwa le go retwa ditšhabeng ka moka tša lefase, ge di botšwa tše dibotse tšohle tše ba di direlwago ke nna. Di tlo tlabja, di tlo tšhoga, ge di bona tše botse ka moka le tetlego, tše ke tlogo di direla motse wo.



**TSHOKOLOGO YA GO ITHLOKOMOLOŠA SEBE LE GO KGOTLELELA GOBA LEKGOBA LA SEBE.**

*KUTULLO:- 3:14-19 14. Motseta wa phuthego ya Laoditšea mo ngwalele o re: Go bolela yena Therešo, yena Hlatse ye e botegago, Morereši, yena Mothomahloloyamodimo. 15. O re: Mediro ya gago ke a e tseba, ke tseba ge o sa tonye ge o sa fiše. E ka be e le kaone ge o tonya, goba o fiša. 16. Bjale k a ge o le yo bololo fela, o sa fiše le ge e le go tonya, ke tlo go tshwa molomong waka. 17. Gobane o re: Ke mohumi, ke ruile! Ga ke hloke selo!-mme ga o tsebe ge o le yo madimabe, ge o nyamiša, ge o le moditšana, ge o le sefofu, ge o hlobotše. 18. Ke go eletša ke re: Reka go nna gauta ye e tšwago meubeng o hume; o reke le aparo ditšhweu o apare, gore hlong tša gago di se bonwe, o reke sehlare sa go tlotša mahlo a gago, o tle o bone. 19. Nna ba ke ba ratago ke a ba sola, ke a ba etetša. Phafoga ge o sokologe.*

Sebe se a phela , se gona. Sebe se re aroganya le Modimo le mo bophelong bja Gagwe. Sebe se tliša bokgoba tshenyego le diphetelo tša moya wa matimoni maphelong a rena le mo setšhabeng. Ka bokopana sebe se tliša lehu. Re ka se kgone go efoga moputso wa sebe. Re swanela ke go fetoša ditsela tša rena re sepeleng ka toko ka ge e hlaloša ke Modimo, gore re tle re be le bophelo. Re swanela ke go fetola menagano ya rena ra dumelelana le maemo a Modimo a go phela.

**SOKOLOGA... BOELA... TŠOŠOLOŠEGA...**

Re rapela mo Leineng la Jesu Kriste Mophološi wa rena, le ka thušo le tšhutšhumetšo ya maatla a Moya wo Mokgethwa, Mothuši wa rena.

**DITEMANA:-**

Bala ditemana tšeo di latelago:- o laletše Moya wo Mokgethwa go go utullela thato ya Modimo. Dumelela mantšu a, go bolela le pelo ya gago, le gore o itokišetše go araba ka thapelo. O se fele pelo.

*Kutullo 3:14-19, BaHeberu 3:12-14, BaHeberu 12-1-5, Jakobo 4:4-8, 2 BaKorinte 6:14-18, baRoma 6:12-16.*

**KA BOTEE | BONOŠI:** Kgopela Moya wo Mokgethwa go go šušumetša le go go bontšha pelo ya gago. Itshepagalele.

A o ikgobokeleditše maitshwaro a sebe bophelong bja gago wa tšwela pele o itira yo a lokilego, o sa itokiše? Naa o kgetha feela tšeo o di dumelago lentšung la Modimo wa leka go ngangišana le batho gore ba ka go dumela le dikgetho tša gago? Hlokomedišiša tsela ya gago ya bophelo o dumelele Moya wo Mokgethwa go go bontšha moo o dumeletšego dibe. Kgopela Modimo go go swarella ge o dumeletše sebe go laola bophelo bja gago. Dira sa nnete.

Ipolele ditšhitišo ka moka o kgone go di lwantšha le go di fetola. Kgopela Modimo go go swarella ge o dumeletše sebe go laola bophelo bja gago. Dira sa nnete. Ipolele ditšhitišo ka moka o kgone go di lwantšha le go di fetola.

**MMELE WA KRISTE:** Naa kereke e rera maemo a hlwekilego a Lentšu mabapi le sebe? Naa ke ka tsela efe yeo re bago ba go beba difahlego ra dumelelana le ditsela tša lefase? Kgopela Modimo go re swarella bjale ka baruti le badumedi ge re sa lwantšhe sebe mo diphutegong tša rena. Rapela gore poifo ya Modimo e boye le gore kereke e sokologe, e fetoge go mediro ya yona ya sebe.

**SETŠHABA KA MOKA:** Batho ba sebjalebja ga ba dumele go hlogo ye: Sebe. Nnete e a tlhaloša le laesense ya ditokelo le thorišo ya sebe le tshenyo ya maitshwaro. Naa ke dibe dife tšeo di godišwago le go lokafatšwa mo setšhabeng sa gešo? Kgopela Modimo gore a re swarele ge re dumeletše le go gokarela dilo tšeo. A re kgopela Modimo go hlatswa batho le go ba fodišago le go tliša bophelo. Rapela gore Modimo a tšhele Moya wa gagwe wo Mokgethwa go šušumetša maAfrika-Borwa go tšwa sebeng ba boele morago go bophelo bjo bokgethwa.

### **RAPELELA PHOLO YA SETŠHABA SEŠO**

- **KHOLOFELO:** *Diema 10:28 Kholofelo ya baloki ke lethabo; tše ba babe ba di botilego di a loba.*
- **PHOLO:** *Mateo 10:8 Fodišang balwetši; tsošang bahu; hlwekišang ba lephera; lelekang meoya e mebe. Le filwe fela; le lena efang fela.*
- **POETŠO:** *Ditiro 3:19-21 19 Ke gona itsholeng gee, le sokologe, gore le phumolwe dibe tša lena. 20. Gore go tle mabaka a tapologo e tšwago go Morena, ge a tlo roma Jesu Kriste, yo a mmeetšego bolena. 21 Gomme yena, legodimo le swanetše go ba le mo gorošitše, go be go tle mabaka a go tsoša tšohle, a Modimo a a boletšego ka melomo ya baporofeta ba bakgethwa ba gagwe bohle*

**TSHOKOLOGO YA GO HLOKA TSHWARELO, TSHWENYEGO, GO SE NYAKE GO HLATSWA DIPELO  
TŠA RENA GO DIKGOPIŠO**

*Mateo 18:21-22.. 21. Ke mo Petrose a tlilego go Jesu, a mmošiša a re: Morena na ge ngwanešo a ka no fela a mphošetša, ke mo lebalele ga kae? 22. Jesu a re:- Nna ga ke re gašupa, eupša ga masome a šupago a balwa gašupa.*

Go se swarele ke phegelelo ya go se rate go swarela bao ba re senyeditšego. Re rata go bona bao ba re senyeditšego ba kwešwa bohloko goba ba lefeletšwa go feta go ba lokolla. Lentšu le re tšea go ba bao re lebaletšwego ke Modimo, ka fao re lebalele bao ba re senyeditšego ka ntle le go bea mellwane. kgopišo e ka go dira gore o bolele le batho gampe. E dira gore re bolele gampe ka batho (Mateo 24:10) E ka re dira le gore re be le lehloyo. Dilo tša mohuta wo di hlatswitšwe maphelong a rena.

**SOKOLOGA... BOELA... TSOŠOLOŠEGA...**

Re rapela mo Leineng la Jesu Kriste, Mophološi wa rena le ka thušo le tšhutšhumetšo ya maatla a Moya wo Mokgethwa, Mothuši wa rena.

**Ditemana/ MANGWALO:-** Bala ditemana tše latelago, o meme Moya wo Mokgethwa go go utullela thato ya Modimo. Dumelela mantšu a, go bolele le pelo ya gago gore o itokišetše go araba go tšona ka thapelo. Se fele pelo.

*Mateo 18-21-35, 2 BaKorinte 2:9-11, Mateo 24:10-12, Mareka 11:25-26, Johane 6 :66-68, BaHeberu 12:14-15*

**BOTEE | BONOŠI:** Tšea nako o bale ditemana, o kgopele Moya wo Mokgethwa go go šušumetša le go bontšha pelo ya gago. Itshepagalele.

O Kile wa gana | go palelwa ke go swarela motho yo a ilego a go kgopiša mo bophelong bja gago? Naa go na le motho yo a go kgopišitšego? Naa o a kgopišega ge Modimo a se a go fa tšeo o di kgopetšego? Ka boikokobetšo khunama pele ga Morena, o kgethe go swarela mang le mang yo a go phošetšego. Bolela tshwarelo o tšee kgato diatleng tša Morena. Kgopela tshwarelo go Modimo ge o be o gana go lokolla batho, o kgopele go hlatswa le go fodišwa leineng la Morena Jesu. Amogela tshwarelo le khutšo ya Modimo. Segofatša bao o bego o palelwa ke go ba lebalela.

**MMELE WA KRISTE:** Tšea nako o bale ditemana gape. Dumelela Moya wo Mokgethwa go utulla mo mmele wa Kriste o palelwago ke go phela go ya ka maemo a Lentšu mo go tshwarelo le dikgopišo.

**SETŠHABA KA MOKA:** Ke batho ba ba kae setšhabeng bao ba palelwago go lebalela bao ba ba diretšego phošo? Tshokologo go hlokgeng tebalelo ga rena, lehloyo le dikganyogo le goba le moya wa go itefeletša. Rapelang gore Modimo a fodiše dipelo tša batho; gore go hloka toko go se tliše go hloka tshwarelo.

**RAPELELANG PHOLO YA SETŠHABA SA GEŠO.**

- **KHOLOFELO:-** Dipesalema 71: 14 Mme nna ke dula ke go lebeletše; ke tlo fela ke atiša ditheto tša gago ka moka.

- **PHOLO** :- Doiteronomio 7:15. Morena o tlo go efela malwetši ohle; gomme dinkhu, tšela ka moka tše šoro tša Egepeta tše o di tsebago, a ka se ke a di tliša go wena; o tlo di iša go manaba a gago.
- **POETŠO** :- Jobo 42:10 Morena a hunolla Jobo ditlemo mola a rapeletše bagwera ba gagwe, a buša a mo nea lehumo, la etša lela la pele ge le balwa gabedi.

## TSHOKOLLO YA MAITSHWARO A MABE A GO LEŠA DIHLONG LE GO TŠHILAFALA

*1 BaKorinte 6:18 Bootswa bo tšhabeng ge, dibe tšohle tše motho a di dirago, di ntle ga mmele wa gagwe. E a dirago bootswa yena o senyetša mmele wa gagwe.*

Thobalano ga e a loka e akaretša mekgwa ka moka ya sebe sa thobalano bjalo ka tumo, bootswa, thobalano ka bong, thobalano le tumo ya banna ba bagolo go bana, diswantšho tša mapona le bootswa le tše dingwe. Bohlola ga bo a ata lefaseng feela eupša le ka kerekeng ya Modimo bo gona. Dinyakišišo di bolela ka 64% ya bakriste ba banna le 15% ya bakriste ba basadi ba kopana le diswantšho tša mapona gatee ka kgwedi. Thobalano ga e a loka mo metseng e tiiša mediro ya mmušo wa leswiswi. Go swana le thekišo ya batho ba basadi le bana, go ntšha dimpa le diswantšho tša bana tša mapona.

### **SOKOLOGA... BOELA... TSOŠOLOŠEGA...**

Re rapela mo Leineng la Jesu Kriste, Mophološi wa rena, le ka thušo le tšhutšhumetšo ya maatla a Moya wo Mokgethwa, mothuši wa rena.

### **DITEMANA \ MANGWALO**

Bala ditemana tše latelago:-o meme Moya wo Mokgethwa go go utullela thato ya Modimo. Dumelela mantšu go bolela le pelo ya gago mme o itokišetše go araba ka thapelo. O se fele pelo.

*1 BaKorinthe 6:18, BaEfeso 5:3 BaHebero 13:4, 1 BaThesalonika 4:3-5, Mateo 5:28, 1 Johane 1: 9*

**BOTEE | BONOŠI:** Beibele e re motho yo a ikahlolago a ka se ahlolwe (1 BaKorinthe 11:31). Lehono ge o etla pele ga Torone ya Mogau (BaHeberu 4:16) kgopela Morena go go fa tshokologo godimo ga dilo tša sebe sa thobalano. Itshepagalele, o tshhepagalele le Modimo, Ipobole ka therešo godimo ga mekgwa yohle ya thobalano ye mebe ye o bego o swaragane le yona, ka mmele, pelo goba monagano. Lahla dibe tše le dikamano tša go se hlweke, mme o tliše mmele bjale ka sehlabelo se phelago godimo ga aletare ya Modimo le gona o tliše maloko a mmele wa gago gore a šomišwe ke Modimo bjale ka dibjana tša toko.

**MMELE WA KRISTE:** Bala ditemana tša ka godimo gape o di bapiše le mmele wa Kriste. Ipolele gore rena bjale ka kereke mo Afrika-Borwa, re tšhilafaditše tempele ya kopanelo le bodulo bja Morena ka go swaragane le thobalano ye mpe le maleša dihlong. A re kgopeleng Modimo, kolobetšo ya mollo. Yeo e tla go re hlatswa ya re hlwekiša mo go dilo tše di re swerego. (Mateo 3:11-12) kgopela Modimo, bjale sehlatšwa Silibera, o tla re hlwekiša bjale ka bahlanka ba mošate (Mateo 3:3). Rapela gore tatago rena a re hlahle, re se tsene melekong, feela a re lokolle go yo mobe. Re bona gore thobalano ke ye nngwe ya dibe tše o di dirago kereke gore e palelwe ke taolo, go buša ditšhaba. (Kutullo 2:20-26) Rapela gore Modimo a tšhele kereke ya Afrika-Borwa ka mogau wa tshokologo le go re ruta gore re sepele ka phenyo le go fenya sebe sa thobalano le ditumo.

**SETŠHABA KA MOKA:** Bala ditemana, mangwalo gape gomme o tšee nako go ema sekgobeng sebakeng sa setšhaba. Ipolele pele ga Modimo gore bjale ka setšhaba rena le molato wa thobalano ye mpe, le mo go mekgwa ya yona, re phasisitše melao go e dumelela. A re amogeleng gore re swanela ke kahlolo, feela re duma mogau le kgaugelo go sokologa go ditsela tša rena tše kgopo go ya go ditsela tša gagwe. Rapela gore Modimo a ka šušumetša Afrika-Borwa go lemoga sebe, toko le kahlolo. Kgopela tšošološo yeo e ka lokišago tsela yeo a kgopamilego ya baswa ba ka moso.

## **RAPELELA PHOLO YA SETŠHABA SA GEŠO.**

- **KHOLOFELO:-** *Dipesalome 78: 7 Rapela gore baswa ba ka moso ba ka bea kholofelo ya bona go Modimo, ba se lebale mediro ya Modimo, empa ba dule melaong ya gagwe.*
- **PHOLO:** *Dipesalema 146:8 Modimo o bula mahlo a difofu. Modimo o emiša bao ba khunamilego Modimo o rata baloki*
- **POELO :-** *Jeremia 29:12-14, empa le tla mpitšha, la nthapela, nna ka le kwa, Le tla nnyaka le tla nkhwetšha, ge le nnyaka ka dipelo tšha lena ka moka, ke tla hwetšwa ke lena, o realo Morena, ke tla le bušeta morago go tšwa bothopšha, ke tla le kgoboketšha go tšwa ditšhabeng ka moka le go tšwa mafelong ao ke le rometšego gona, o realo Morena, ke tla le bušetšha nageng yeo ke le ntšhitšego go yona ge le thopšha, ke realo nna, Morena.*

## LETŠATŠI LA BOSELELA 6. 24 SEPETEMBERE 2020

### TSHOKOLOGO YA MEDINGWANA LE TŠA LEFASE.

*1 BaKorinte 10:14 Bjale, ba rategi etšwang go medingwana.*

Medingwana e ka tšea mafapha a mantši maphelong a rena. (Lefitiko 26:1) Modingwana ke selo se sengwe le se sengwe seo o se ratago kudu. Go feta Jesu. Lerato la dilo tša lefase fetoga medingwana ka dipelong tša rena. Rena le medimo ya maatla, tumo ya maemo, tšwelelo le pušo, medimo ya tumelelo, medimo ya tšhireletšo le medimo ya Khomotšo, medingwana e na le ditumelo tša maaka, bjale ka tumelo go batho ba ba hwilego.

### **SOKOLOGA... BOELA... TSOŠOLOŠEGA...**

Re rapela Leing la Jesu Kriste Mophološi wa rena le ka thušo le tšhutšhumetšo ya maatla a Moya wo Mokgethwa, mothuši wa rena.

### **DITEMANA / MANGWALO**

Bala ditemana|mangwalo a à latelago o meme Moya wo Mokgethwa go go utullela thato ya Modimo. Dumelela mantšu a, go bolela le pelo ya gago, o itokišetše go araba ka thapelo. Se fele pelo.

*1 BaKorinte10:14, Eksodose 20:1-8, Esekiele 14:1-5, 1 Johane 5: 21, Jakobose 4:4, Jakobose 1:27, 1 Johane 5:21, Jakobo 4:4 , Jakobo 1:27, 1 Johane 2:15, Dipesalome 135:15-18, Kutullo 9:20, 1 Samuele15:23,1 BaKorinte10:7, Baroma 1:23*

**BOTEE | BONOŠI:** Modimo o itšweleditše go Israele bjale ka Modimo wa mona. Medingwana go yena ke bootswa bja Semoya. Ga a nyake go abelana rena le baratani ba bantši, lefase le badimo ba lona ba maaka. Kgopela Moya wa Therešo go phadimiša lebone la Lentšu la Modimo mo pelong ya gago go utulla, sebopego se sengwe se se fihlilwego sa medingwana mo bophelong bja gago. Ipotšiše; Naa ke karolo efe yeo maatla, tumelo tšhireletšo, le Khomotšo di e bapalago mo bophelong bjaka? Naa ke di rata kudu go feta Jesu le thato ya gagwe? Dumelela Moya wo Mokgethwa go go bontšha le go mmotšiša manyami ao Modimo a go išago go tshokologo godimo ga dilo tše, gore o tle o fetošwe le go tsošološwa go ya ka SEMELO sa Modimo. Sokologa go dilo tše Moya wo Mokgethwa o go laetšago tšona. Rapelela tsošološo ya gago. Rapela gore Jesu a tsošološe lerato la pele ka ge go boletšwe mo go kutullo 2:4

**MMELE WA KRISTE:** Bala ditemana|mangwalo gape itlhaole mabapi le mmele wa kriste. Rapela gore go be le tsošetšo ya ba phelago ka lentšu le maatla la Modimo magareng a rena,mo go kopanelong. Rapela gore Lentšu le be go rena bjale ka tšhoša yeo e nyakago go aroganya, sefa le go nyakišiša o šušetša le go re hlatswa go medingwana ka moka. Rapelang bjale ka kereke ya Jesu, gore re ipееle thoko go medimo. Re se rate lefase goba selo mo lefaseng. Rapela gore kereke mo Afrika-Borwa e bone bogodimo bjoo re welego go tloga go bjona le gore re boele go lerato la rena la pele. Rapela gore re lemoge gore re ka se be dipaki tša kriste go lefase ge re sepela le go bolela ra itshwara bjale ka lefase

**SETŠHABA KA MOKA:** Bala ditemana|mangwalo gape. Tšea nako go ema sekgobeng, sebakeng sa setšhaba sa gešo. Kgopela Moya o Mokgethwa go go bontšha dibopego tša medingwana tše re kgopišago Modimo ka tšona gona bjale magomong a setšhaba. Ge a bolela le pelo ya gago tšweletša boipobolo bja nnete le tshokologo go yena.

Rapela gore re ithute bjale ka setšhaba gore medingwana e tliša manyami a mantši ka yona (Dipesalome 16:4)

### **RAPELELA PHOLO YA SETŠHABA SA GEŠO**

**KHOLOFELO:** *Dipesalome 33:2 Retang Morena ka sekgapa, le mo opeleleng le letša harepa ya metato e lesome.*

**PHOLO:-** *Mateo 8:5-7 Ge Jesu a tsena Motseng wa Kapernaume, a gahlanetšwa ke molaodi wa bahlabani ba lekgolo gomme yena a mo kgopela gore a mo thuše a re Morena, mohlanka waka o a babja, o robetše kua gae o rephile ditho le gona o lwala kudu. Jesu a re: ke tla ya ka mo fodiša.*

**POETŠO:** *Doiteronomi 30:6-10 Morena Modimo wa lena o tla dira gore lena le ditlogolo tša lena le mo theeletše, gore le tle le mo rate ka dipelo tša lena ka moka le ka moya wa lena ka moka mme le tle le fele le dula moo nageng yeo. Dithogako tša lena kamoka o tla di lebiša go manaba a lena le go bao ba le hloilego gape ba le hlomerego. Mme le tla boela la mo theeletša la phetha ditaello tša gagwe ka moka tše ke le fago tšona lehono.*



## LETŠATŠI LA BOŠUPA 7. 25 SEPTEMBERE 2020

### TSHOKOLOGO YA GO SE RATE LE GO DIRELA BA BANGWE, MEGABARU LE GO IKETLA

*1 Johane3:14-20 Re tšea gore re fetile lehung ra ya bophelong, ka baka la gore re rata bana bešo, yoo a sa ratego ngwanabo o dula gohweng, yo a hloilego ngwanabo ke mmolai, le tseba gore ga go mmolai yo a nago le bophelo bo sa felego go yena. Ka se, re tseba lerato ka gobane re filwe bophelo ka yena ka gona re swanela ke go gafa maphelo a rena go bana ba borena...*

sa Lerato. O gafile bophelo Bja Gagwe, legatong la rena re obamela Modimo gabotse le ka botlalo ge re eba sehlabelo go tliša ba bangwe go Kriste le go ba direla ka boikokobetšo le ka bophelo bja go ineela. Ge re direla bona bao re direla Modimo. Ke nako ya gore re tlogele ditsela tša rena tša megabaru re direle bao ba lego kgauswi le rena.

### **SOKOLOGA... BOELA... TSOŠOLOŠEGA...**

Re rapela mo Leineng la Jesu Kriste, Mopholosi, wa rena, le ka thušo le tšhutšhumetšo ya maatla a Moya wo Mokgethwa, Mothuši wa rena.

### **DITEMANA | MANGWALO**

Bala ditemana|mangwalo a a latelago mme o meme Moya wo Mokgethwa go utulla thato ya Modimo go wena. Dumelela mantšu à, go bolela le pelo ya gago mme o itokišetše go araba go wona ka thapelo. Se fele pelo.

*1Johane3:14-20, Mateo25:34-40, Lukase6:27-35, Johanes13:34-35, 1Petros1:22; 1BaKorente 13: 1-7, BaFilipi 2:3-7.*

**BOTEE | BONOŠI:** Tšea nako o bale ditemana le mangwalo à, kgopela Moya wo Mokgethwa go go šušumetša le go go bontšha pelo ya gago. ITSHEPAGALELE. Naa o swaragane le go thuša batho mo motseng goba kgauswinyana le ga geno? Naa ke neng mo o ileng wa boloka tšhelete, nako le go tia maatla go thuša go fihlelela ba go se phološwe goba go thuša bahloki? Kgopela Modimo go go swarela mo mahlakoreng a bophelo mo o phelago ka megaburu. Kgopela Modimo go go thuša gore o fetole ditsela tša gago le go tlatša pelo ya gago ka lerato la gagwe, tlhokomelo le go lokela ba bangwe. Ikemišetše go boloka mo maphelong a batho ba bangwe le go ditšhabatšhaba. Ikemišetše go boloka tšhelete, nako le go tia maatla mo bophelong bja motho yo mongwe. Ye ke tsela ya go ba rata ka lerato la Jesu Kriste.

**MMELE WA KRISTE:** Naa kereke e itlhokomologile goba e paletšwe go tšea maikarabelo a go diša metse le bao ba hlokago? Naa re dutše re aga mebušo ya rena le go kgetha go dula re bolokegile? Naa re badumedi ba ba bjang ka ntle ga lerato go bao ba sa phološwago, badidi, batšwante le bahloki? Kgopela Modimo tebalelo, go se eme le pelo ya Gagwe mo lefaseng la go hloka, le go se age mmušo ka dihlabele le lerato le le kgethwa.

**SETŠHABA KA MOKA:** Re dula mo nageng moo batho ka megabaru ba hwetšago tšeo ba dinyakago ka dikgoka le ka moya wa go gapeletša. Re bea molato go ba bangwe mola rena re sa nyake go fetoga ka mo go nyakegago, le gona ga re tšee maikarabelo go hlankela batho ba gabo rena. Kgopela Modimo go re lebalela mo Afrika-Borwa go tswalela dipelo tša rena le diatla tša rena, go thuša bao ba kgokaganang le rena. Rapela Modimo gore a fetole dipelo tša batho ba borena go rata go boloka seo ba nago le sona go kopana le tlhoko ya motho yo mongwe. Rapela gore morero wa Lerato la Modimo o tlale naga ye.

## **RAPELELA PHOLO YA SETŠHABA SA GEŠO.**

- **KHOLOFELO:** 2 Bakorente 4:8-9. Re dikilwe thoko tšohle, mme ga re pitlaganywe. Re a phoraphora, mme ga re gakanega. Re a tlaišwa, mme ga ra lahlega. Re digelwa fase, mme ga re senyege.
- **PHOLO:** Jesaya 38:20 Morena o ratile go mmphološa. Bjale re tlo letša diletšo tša ka Ngwakong wa Morena mehla yohle ke sa phela.
- **POETŠO:** Hosea 6:2-3 ka morago ya sebakanyana o tla be a re bušeditše sekeng gomme ra phela ra mo rapela, a re lekeng go tseba Morena ruri, O tla tla go rena bjalo ka masa, bjalo ka pula ya tsheola ye e thapišago lefase.

## LETŠATŠI LA SESWAI 8. 26 SEPTEMBERE 2020

### LETŠATŠI LA THAPELO YA SETŠHABA LE TSHOKOLOGO.

**TSENA LE BADUMEDI AFRIKA–BORWA KA MOKA.  
GO METSOTSO YA THAPELO YA GO TSENELELA.LE BARUTI, BAGOLO AFRIKA KA BOPHARA  
3-4:30pm (GMT+2)  
WWW.THERETURNSA.ORG**

**TSHOKOLOGO YA MANTŠU A LEHU, LESEBO, KGECEO, THOGAKO, BONYATŠI, TSHOKOLOGO, YA  
PEFELO, DINTWA LE TŠHOLLO YA MADI.**

*Ditiro 17:26-27 o hlodile ditšhaba tšohle ka motho o tee, gore di phele gohle lefaseng. Ke yena yo a di beetšego dinako le mafelo ao di tlogo dula go ona. Seo o be a se direla gore ba mo nyake, mohlomongwe ba mo hwetše ge ba mo phopholetša, gape ga a kgole le yo mongwe le yo mongwe wa rena.*

Semorafe se agile godimo ga letšhogo le boikgomogomošo Maitshwaro a tšweletša go tumelo ya gore re kaone go feta goba go phala ba bangwe ka mmala wa letlalo goba ge re tšhaba bao ba sa swanego le le rena. Semorafe se hlalošwa ka kgethologanyo, diphaphano tšeo di lego go motho goba batho ka lebaka la boleloko la mohuta wa sehlopha, empa Modimo o dirile setšhaba se sengwe ka madi a tee le ka semelo sa gagwe. Semorafe se re thiba mahlo gore re se bone semelo sa Modimo mo mohuteng wo mongwe wa batho gore mo go rateng go na le kgethego le dineo tša phološo ya Modimo tšeo Modimo a di beilego, gare ga dihlopha tša batho bao ba sa swanego.

### **SOKOLOGA... BOELA... TSOŠOLOŠEGA...**

Re rapela mo Leineng la Jesu Kriste, mophološi wa rena le ka thušo le tšhutšhumetšo ya Moya wo Mokgethwa, Mothuši wa rena.

### **DITEMANA| MANGWALO**

Bala Ditemane le Mangwalo a a latelago:- mema Moya wo Mokgethwa go utulla thato ya Modimo go wena. Dumelela mantšu a, go bolela le pelo ya gago, o itokišetše go araba go ona ka thapelo. Se fele phelo.

*Ditiro 17:26-27, Diema 18:21, BaGalatia 5:15, BaEfesu 4:26, 1Petrose 3:9, Esekiele 7:22-23*

**BOTEE| BONOŠI:** Kgopela Modimo go go bontšha modu wa semorafe, woo o bego o sa le pelong ya gago, woo o go dirago gore o bone le go kwela thoko bao ba sa swanego le rena ka mmala le go sehlopha sa mohuta o šele. Tšea nako go bala mangwalo o dumelela Lentšu go fetleka pelo ya gago. Naa o šomišitše mantšu a gago go senya goba go robaganya batho ba bangwe? Ipotšiše:- Aa ke na le moya wa kgegea gobatho ba bangwe? Ikokobetše pele ga Modimo, sokologa, o boele go yena le ditseleng tša Gagwe.

**MMELE WA KRISTE:** Ikgethe le mmele wa Kriste mo thapelong, dumelela Modimo go go kweša ka tsela yeo yena a ikwago malebana le maemo a semorafe gare ga batho ba gagwe. Mo dumelele go go šušumetša ka boyena go ya ka moo ka moka nakong ye nngwe re ilego ra lomana ka borena gampe ka mantšu a mabe goba lesebo. Tliša tshokologo pele ga Modimo sebakeng mmele wa Jesu Kriste. Mo kgopele gore a tsošološe moya wa botee, kwano gare ga rena bjalo ka kereke, boteeng le ka go kopanela.

**SETŠHABA KA MOKA:** Tšea nako, ka botshepegi, lekola ka tsela yeo semorafe se tlišitšego tshenyego lefaseng la gabo rena. Le ka fao semorafe se diegišitšego tšwelopele ka gona. Semorafe se diegišitše gape pitšo ya rena ya go thuša go eta Afrika ka toko, botshepegi le nnete. Efa Tebogo go Modimo go bitša Afrika-Borwa bjalo ka setšhaba sa mebalabala. Tšea nako go rata bobotse le boikgetho bjo renago le bjona nageng ga gešo, e lego naga ga mehuta ye mentši, dipolelo goba maleme le batho ba dihlopha. Leboga Modimo gape ka ditalente tša mehuta-huta tšeo a filego batho ka moka lefaseng ka bophara. Rapelela tšošetšo ya poelano kgole le kgauswi, bophara le bogolo.

### **RAPELELA PHOLO YA SETŠHABA SA GEŠO**

- **KHOLOFELO:** *BaHeberu 6:18-19 Gore ka mafoko a mabedi a a sa fetogego, ka ge Modimo a sa bolele maaka, re be le khomotšo ye maatla re hweditše setšhabelo, re gomaretše Kholofelo ya go holofela se se lego kua pele. Kholofelo ye eke ke yona thekgo ye e tiilego ya meoya ya rena, thekgo ye e sa tomogego ye e tsemilwego kua sekgethwakethweng, go širilwego ke sešireletšo. Bjo ke bjona boithekgo bjo bo tiilego bja maphelo a rena, mme e putla seširo ya tsenelela ka felo mo go Kgethwa- Kgethwa.*
- **PHOLO:-** *2Dikoronika 7:14. Ge setšhaba saka, se se bitšwago ka leina laka ge se ka ikokobetša, sa rapela, sa nyaka sefahlogo saka sa lahla ditsela tša sona tše mpe, ke tla sekwa ke le legodimong ka se lebalela dibe, ka fodiša naga ya sona.*
- **POETŠO:** *Zakaria 14:11. Batho ba tla dula go yona, ba sa bolela tshenyego feela Jerusalema e tla dulwa ka polokego.*

**TSHOKOLOGO YA MAAKA, GO UTSWA BOFORA LE GO HLOKA TOKO**

*Lefitiko 19:11. O se ke wa utswa goba go dira ka bofora goba go bolela maaka e le seng sa lena.*

Maaka, go utswa le bofora ke dika tša sathane. Modimo ke moganetši wa dilo tše ka moka le gona o di tšea ka bogale ka go dihlokiša toko. Go badiidi, ba bofokodi le bahloki.

**SOKOLOGA... BOELA... TSOŠOLOŠEGA**

Re rapela leineng la Jesu Kriste, Mophološi wa rena le ka thušo le tšhutšhumetšo ya Moya wo Mokgethwa, mothuši wa rena.

**DITEMANA | MANGWALO**

Bala ditemana |mangwalo a à latelago; mme o meme Moya wo Mokgethwa go utullela thato ya Modimo go wena dumelela Mantšu à go bolela le pelo ya gago le gona itokišetše go araba go wona ka thapelo. Se fele pelo.

*LeFitikose 19:11, Johane 10:10, Johane 8:44, LeFitikose 19:11&13, Maleaki 3:8-9, Diema 10:2, Diema 11:1, Diema 12:22, Sakaria 5:3-4, BaRoma 13:7, Jesaya 10:1-3, diPesalome 101:7, Kutullo 21:8.*

**BOTEE | BONOŠI:** A o bolela maaka? Maaka mašweu, maaka a seripa, maaka a manyane maaka a magolo ka moka a a swana go Modimo. Maaka ke maaka. Maaka go batho, maaka go bakgotsi, maaka go ba ka gae, le maaka mo mošomong lefelo la mošomo. Tšea nako go lekola pelo ya gago le ditiro go bona ge o ile wa gatelela e nngwe mo bophelong bja gago ka go bolela maaka. Na o utswa gannyane feela? Naa o kgona go tšea sedirišwa sa mošomong wa se šomiša gae ka ntle le tumelelo. Naa o fora Modimo ka go neela? Sa lesome, meneelo? A o swaragane le go hloka toka go baagišane? A o lefiša bahira tšhelete ya godimo? O lefelamotšhelo? Gantši ke tšona dilwana tše nnyane tšeo Modimo a di lebeletšego, di bile di mo tshwenyago, Modimo o rata go tshepega le boitshwaro. Tiiša tshokologo e swanetšego pele ga Morena.

**MMELE WA KRISTE:** Bala ditemana |mangwalo a ka godimo gape. Mme e ikgethe le mmele wa Kriste. Dipesalome 101:7 e re bonokwane bo ka se dule mo ngwakong wa Morena le gore ba maaka ba ka se eme bogoneng bja gagwe. Rapela gore Modimo a lebalele Kereke go bolela maaka le go utsweng ga rena, go bonokwane bja rena le go amega mo go hlokeng ga toko, Rapelelang moya wa tšhutšhumetšo go wela godimo ga rena gore re sokologe mo dilong tšeo di tlišago thogako go rena. Rapelang gore re thome go šoma ka therešo le go kgahla Modimo go ya ka Diema 12:22. Rapelang gore melomo ya rena e agwe ka therešo go ya ka (Diema 12:19)

**SETŠHABA KA MOKA:** Modimo o šoma le rena e sego ka o tee feela, le ka ditšhaba. Ipolele pele ga Gagwe gore maaka, go utswa le bofora le go se loke go tletše nageng. Seripa se sengwe le se sengwe sa motse le mo go dibaka tša mmušo. Kgopela mogau, pele ga Gagwe, ka gore dilo tšeo naga e sa di tsweleletšego. Rapela gore dipholisi le melawana di be tša go kwala. Rapela gore bao ba dilago ba hwetše tshwaro ye botse. Rapela le gore kgatelelo ya batho ba maemo a fase mo nageng |setšhabeng e emišwe. Rapela gore tsošološo ya toko mo setšhabeng sa gaborena yeo re ka phatlalatšago therešo boitshupo, maemo a mabotse le toko naga ka moka.

## **RAPELELA PHOLO YA SETŠHABA SA GEŠO**

**KHOLOFELO:-** 2Timoteo 1:7 Modimo ga a re fa Moya wa boi, efela Moya wa maatla le wa lerato le wa moya wo o fodilego.

**PHOLO:-** DiPesalome 41:4 Ke rile Morena nkgaugele. Fodiša moya waka ka gobane ke dirile sebe ka go go hlanogela.

**POETŠO:-** Diema 6:30-31. Lehodu la go utswa dijo go ntšha tlala maleng, batho ga ba le sole, eupša ge le ka swarwa le lefišwa gašupa le ge e ka ba ka thoto yohle ya lapa la lona.

## LETŠATŠI LA LESOME 10. 28 SEPTEMBERE 2020Š

### TSHOKOLOGO YA GO SE ŠIRELETŠEGA KA KGETHEGO, GO SE HLOKOMELE MOHOLA WA BOKGETHWA

*1Peter 1:13-18 ka gona, phafogang le be le boitshwaro, le dule le letetše ka mafolofolo mpho ya phološo ye le tlogo e fiwa mohla Jesu Kriste a e tla. Ka ge le le ba ba theeletšago, le se dumele go gogwa ke ditumo tšela tša lena tša mola le sešo la tseba selo ka Modimo.*

Jesu ga se a hwa sefapanong go re phološa feela, empa gore re ye legodimong. O dirile le tsela gore re bolokego, re boele go Modimo, le go swana le yena go mo emela mo lefaseng ka go ba bakgethwa. Re swanetše go ba lebone la lefase le letswai la lefase le go ba toko ya Modimo ka Jesu Kriste. Moo feela maatla a mmušo a tla lokollwa ka nnete mo lefaseng. O re file Moya wo Mokgethwa le dilo tšohle tše swanetšego bophelo le boModimo. Ke nako ya rena go dira kgethego go dumelela pušo ya gagwe mo mafapheng a maphelo a rena.

#### **SOKOLOGA... BOELA... TSOŠOLOŠEGA...**

Re rapela ka Leina la Jesu Kriste. Mophološi wa rena le thušo le tšhutšhumetšo ya maatla a Moya wo Mokgethwa mothuši wa rena.

#### **DITEMANA | MANGWALO**

Bala ditemana goba mangwalo a latelago o meme Moya wo Mokgethwa go utulla thato ya Modimo go wena. Dumelela mantšu a, go bolela le pelo ya gago le go itokišetša go araba go wona ka thapelo. Se fele pelo.

*1Petrose 1:13-18, BaHeberu 12:10-14, 1BaThesalonika 4:7-8, BaRoma 12:1-2, BaEfeso 4:20-24, 2BaKorinte 7:1.*

#### **BOTEE | BONOŠI**

Tšea nako o bale ditemana | mangwalo, botšiša Moya wo Mokgethwa go go šušumetša le go go bontšha pelo ya gago. Itshepagalele.

A o hlankela Modimo go dilo tšeo a go direlago, go mehlolo ya gago yeo o ka go e amogela go tšwa go yena? Aa o gola go lokeng le go oketšega go swana gagolo le Jesu? Go na le maikemišetšo a go boloka mo go hlwekišweng le go šala bokgethwa morago? Kgopela Modimo go go lebalela go se beakanye maemo à bophelong bja gago. Sokologa go se dume go fetošwa le go mema Moya wo Mokgethwa go go etelela pele go dilo tša Modimo tša go hlwekiša bophelo bja gago. Dira tumelano ya go aga selo mo bophelong go go thuša mabapi le go tsenelela bokgethweng bjalo ka: go ithuta Lentšu | lengwalo, tlhahlo le maikarabelo bj.bj.

**MMELE WA KRISTE:** Naa kereke e hlokometše go hlankela nnete ka thakgafatšo ya modumedi? Naa ke dipeakanyo dife tšeo kereke e bolokang mo go tšona? Naa re na le baetapele basemoya bao ba phelago bokgethwa? Kgopela Modimo go lebalela kereke mo go godišeng katlego ya Lentšu, khutšo, le tšhutšhumetšo ya polelo, mola e hlokomologa dilo tše bohlokwa tša Beibele, tša ditaola tše bohlokwa, go tlatšwa ka Moya wo Mokgethwa le go ba yo Mokgethwa. Rapela gore kereke e boele go maatla a Mmušo wa go phela ka Moya.

**SETŠHABA KA MOKA:** Naa go na le tšhupetšo ya melawana ya toko le bokgethwa yeo e godišwago mo metseng le go maAfrika-Borwa ka moka? Kgopela Modimo go lebalela setšhaba go sepelela

kgole le maemo a Modimo a bophelo. Rapelela go hlatswa le gore mehlolo ya tshepetšo ya Moya wo Mokgethwa go tliša Setšhaba sa gešo go tshokologo le thakgafatšo.

### **RAPELELA PHOLO YA SETŠHABA SA GEŠO**

- **KHOLOFELO:** Joele 3:16 Morena o bopa thabeng ya Sione. Lentšu la gagwe le porotla Jerusalema, gwa šikinyega lefase le leratadima. Fela go setšhaba sa gagwe yena ke botšhabelo, ke sebo sa bona Balsiraele.
- **PHOLO:**-Yesaya 19:22 Morena o tla otlala BaEgepeta ka bolwetši, mme ka morago ga moo, ge ba sokologela go yena ba mo rapela, a ba kwa a ba fodiša.
- **POETŠO:** Hosea 14:5-7 Morena o re:-ke tla bušetša setšhaba saka go nna, ka dira gore se se sa kgeloga. Ke tla ba rata ka pelo ya ka ka moka gobane ga ke sa ba galefetše .Go setšhaba sa Israele ke tla ba bjalo ka phoka. Ba tla atlega boka matšoba a a thunyago: ba tla tia medu go etša mehlare ya Lebanone. Ba tla ba le bana ba bantši gape ya ba ba botse boka mehlware. Ba tla nkgabose go swana le mesedere ya Lebanone.

**GO BOYA GA AFRIKA- BORWA  
SOKOLOGA!!! BOELA!!! TSOŠOLOŠEGA!!!**